



ATASSUT INATSISARTUNI

ATASSUT

UKA 2013/132-1

Siverth K. Heilmann

22.10.13

Ukioq naallugu sapaatip akunnikkaartumik Narsarsuup Keflavik-illu akornanni amigartooruteqarsinnaanermut qulakkeerutissalimmik 1. januar 2014-imiit timmisartoqartalernissaanik Naalakkersuisut pilersitsinissamik peqquneqarnissaannik Inatsisartut aalajangiiffisassaattut siunnersuut.

(Inatsisartunut ilaasortaq Kim Kielsen, Siumut)

Siumut sinnerlugu Inatsisartuni ilaasortap Kim Kielsen-ip matumani siunnersuutigaa Narsarsuup Islandimilu Keflavik-ip akornanni amigartooruteqarsinnaanermut qulakkeerutissalimmik pilersitsisoqassasoq.

Nunatta iluani silaannakkut ilaasunik angallassineq taamatullu nunatta nunattalu avataani ilaasunik silaannakkut angallassineq ataqatigiissaarluakkamik aqqissuussaannissaa ATASSUT-mit anguniakkatta pingaarutillit ilagivaat.

Piffissami kingullermi silaannakkut imaatigullu ilaasunik assartugassanillu nunatta iluani kiisalu nunatta nunallu allat akornanni siunissami qanoq ataqatigiissaagaassanersut pillugit oqallittoqarpoq ATASSUT-millu qularutigingilarput oqallinneq annertoq pisariaqartorlu suli ingerlassasoq.

ATASSUT-millu maluginiarparput siunnersuuteqartup nunatta kujataani angallannikkut ullumikkut ajornartorsiutaasut aaqiivigineqarnissaat siunertarigaa, tamannalu ATASSUT-mit paasilluarsinnaavarput, taamatullu oqarnerput siunnersuuteqartumut tapersiinertut paasineqassaaq.

ATASSUT-mimmi arajutsisimangilarput pingaartumik nunatta kujataaniit nunanut allanut ingerlaqqinniartarnek ilaasunut annertuumik ajornartorsiutaasortoq, ataavartumillu



ATASSUT INATSIARTUNI

aaqqiisoqarnissaata tungaanut ATASSUT-mit isumaqarpugut ukiumut 3 mio. kr.-inik nunatta karsia aningaasartortissallugu pissusissamisuuginnassasoq.

Siunnersuutip mисssoqqissaarneqarnissaa nalilersorluarneqarnissaa kiisalu aaqqiissutaasinnaasunik misissuisoqarnissaa siunertaralugu ATASSUT-mit inassutigissavarput siunnersuut aappassaaneerneqartinnagu Ataatsimiititaliamut susassaqartumut suliassanngortinneqassasoq.